

आकाशवाणी जयपुर-अजमेर प्रादेशिक समाचार ।

दिनांक 04.06.2024

समय: 18.45 बजे

- 18वीं लोकसभा सारू आज करी जा रही वोटों की गिणती मांय एनडीए लगातार तीजी दफा बहुमत हासिल करतो निजर आ रहयो है-भारतीय जनता पार्टी सब ऊं मोटी पार्टी रा तौर ऊं सामी आ रही है ।
- भारतीय जनता पार्टी रा आला नेता अर प्रधानमंत्री नरेन्द्र मोदी वाराणसी ऊं जीत्या-कांग्रेस रा आला नेता राहुल गांधी वायनाड अर रायबरेली सीटां ऊं लगातार आगे चाल रह्या है ।
- प्रदेश मांय 14 सीटां माथे भाजपा अर 11 सीटा माथे इंडी गठबंधन जीत ओड़ी बध रहयो है ।
- राज्य मांय काल ऊं एक और पश्चिमी विक्षोभ रा असर ऊं कठे-कठे आंधी चालण अर बिरखा व्हेवण रा आसार ।

000

18वीं लोकसभा सारू व्ह्या चुणाव मांय भारतीय जनता पार्टी की अगुवाई वाळो राष्ट्रीय जनतांत्रिक गठबंधन जरूरी बहुमत हासिल करतो निजर आ रहयो है । वोटों की गिणती रा नतीजा अर रूझान रे मुजब भारतीय जनता पार्टी सब ऊं मोटी पार्टी रा तौर ऊं सामी आती निजर आ रही है । भाजपा ने 239 सीटां माथे जीत मिलण रा आसार निजर आ रह्या है । आं मांय ऊं 36 सीटां माथे पार्टी रा उम्मीदवार जीत ग्या है, जदके 203 सीटां माथे आगे चाल रह्या है । वोटों की गिणती लगातार चाल रही है । निर्वाचन आयोग ऊं मिली जाणकारी रे

मुजब कांग्रेस दूजी मोटी पार्टी रा तौर ऊं उभर रही है। पार्टी 9 सीटां माथे जीत हांसिल कर लीनी है जदके 90 सीटां माथे आगे चाल रही है। वाराणासी ऊं भाजपा रा आला नेता अर प्रधानमंत्री नरेन्द्र मोदी डोढ़ लाख ऊं बत्ता वोटां ऊं जीत गया है। गांधी नगर ऊं पार्टी रा नेता अमित शाह ई 7 लाख 44 हजार ऊं बत्ता वोटां ऊं जीत हांसिल कीनी। लखनऊ ऊं केन्द्रीय मंत्री राजनाथ सिंह अर हिमाचल प्रदेश री हमीरपुर लोकसभा सीट ऊं अनुराग सिंह ठाकुर लगातार आगे चाल रह्या है। भाजपा रा आला नेता शिवराज सिंह चौहान करीब सवा 8 लाख वोटां रा मोटा आंतरा ऊं जीत्या है। कांग्रेस रा आला नेता राहुल गांधी दोन्यू सीटां वायनाड अर रायबरेली माथे लगातार आगे चाल रह्या है। अमेठी सीट माथे कांग्रेस रा किशोरी लाल भारतीय जनता पार्टी री उम्मीदवार अर केन्द्रीय मंत्री स्मृति ईरानी माथे डोढ़ लाख ऊं बत्ता वोटां ऊं आगे चाल रह्या है। प्रदेश मांय हाल ताई 16 सीटां माथे नतीजां रो ऐलाण कर दियो ज्यो है। राजसमंद सीट ऊं भारतीय जनता पार्टी री महिमा कुमारी मेवाड़ भारतीय राष्ट्रीय कांग्रेस रा डॉ. दामोदर गुर्जर ने 3 लाख 92 हजार 223 वोटां ऊं शिकस्त दीनी। झालावाड़-बारां सीट ऊं भारतीय जनता पार्टी रा उम्मीदवार, चार दफा रा सांसद अर राज्य री पैली वाळी मुख्यमंत्री वसुंधरा राजे रा बेटा दुष्यंत सिंह कांग्रेस री उर्मिला जैन भाया ने 3 लाख 70 हजार 989 वोटां ऊं हरा दीना। भीलवाडा ऊं भारतीय जनता पार्टी रा उम्मीदवार दामोदर अग्रवाल कांग्रेस रा उम्मीदवार पैली वाळा विधानसभा अध्यक्ष अर पैली वाळा केन्द्रीय मंत्री डॉ. सी पी जोशी ने 3 लाख 54 हजार 606 वोटां ऊं शिकस्त दीनी।

जयपुर सीट ऊं भारतीय जनता पार्टी री उम्मीदवार मंजू शर्मा भारतीय राष्ट्रीय कांग्रेस रा प्रताप सिंह खाचरियावास ने 3 लाख 31 हजार 7 सौ 67 वोटां ऊं शिकस्त दीनी। अजमेर सीट ऊं भारतीय जनता पार्टी रा भागीरथ चौधरी कांग्रेस रा रामचंद्र चौधरी ने 3 लाख 29 हजार 991 वोटां ऊं हराया। उदयपुर सुरक्षित सीट ऊं भारतीय जनता पार्टी रा मन्नालाल रावत कांग्रेस रा ताराचंद मीणा ऊं 2 लाख 61 हजार 608 वोटां ऊं शिकस्त दीनी। जालौर ऊं भारतीय जनता पार्टी रा उम्मीदवार लुम्बाराम कांग्रेस रा उम्मीदवार अर राज्य रा पैली वाळा मुख्यमंत्री अशोक गहलोत रा बेटा वैभव गहलोत ने 2 लाख 1 हजार

543 वोटों का हराया। बीकानेर सुरक्षित सीट का भारतीय जनता पार्टी का उम्मीदवार अरुण केन्द्रीय मंत्री अर्जुन राम मेघवाल कांग्रेस का उम्मीदवार गोविंदराम मेघवाल ने 55 हजार 711 वोटों का हराया। अलवर सीट का भारतीय जनता पार्टी का उम्मीदवार भूपेन्द्र यादव भारतीय राष्ट्रीय कांग्रेस का उम्मीदवार ललित यादव ने 48 हजार 282 वोटों का शिकस्त दीनी। दूजी कानी दौसा सुरक्षित सीट का भारतीय राष्ट्रीय कांग्रेस का मुरारी लाल मीणा भारतीय जनता पार्टी का कन्हैया लाल मीणा ने 2 लाख 37 हजार 340 वोटों का हराया। करौली-धौलपुर सीट का भारतीय राष्ट्रीय कांग्रेस का भजन लाल जाटव भाजपा की इंदुदेवी जाटव ने 98 हजार 945 वोटों का शिकस्त दीनी। गंगानगर सीट का भारतीय राष्ट्रीय कांग्रेस का उम्मीदवार कुलदीप इंदौरा भारतीय जनता पार्टी की प्रियंका बैलान ने 88 हजार 153 वोटों का शिकस्त दीनी। चूरु का भारतीय राष्ट्रीय कांग्रेस का राहुल कस्वां भारतीय जनता पार्टी का देवेन्द्र झाझड़िया ने 72 हजार 737 वोटों का हराया। टोंक-सवाईमाधोपुर सीट का भारतीय राष्ट्रीय कांग्रेस का हरीश चंद्र मीणा भारतीय जनता पार्टी का मौजूदा सांसद सुखबीर सिंह जौनापुरिया ने 64 हजार 949 वोटों का शिकस्त दीनी। भरतपुर सुरक्षित सीट का भारतीय राष्ट्रीय कांग्रेस की संजना जाटव भारतीय जनता पार्टी का रामस्वरूप कोली ने 51 हजार 983 वोटों का हराया। बांसवाडा का भारत आदिवासी पार्टी का राजकुमार रोट भारतीय जनता पार्टी का महेन्द्र जीत सिंह मालवीय ने 2 लाख 47 हजार 54 वोटों का हरा दीना। सीकर सीट का मार्क्सवादी कम्युनिस्ट पार्टी का अमराराम मौजूदा सांसद भारतीय जनता पार्टी का सुमेधानंद सरस्वती ने 72 हजार 896 वोटों का हराया।

राज्य मांय भारतीय जनता पार्टी का उम्मीदवार 5 अर भारतीय राष्ट्रीय कांग्रेस का उम्मीदवार 2 सीटों माथे आगे चाल रह्या है। आखिरी समाचार मिलण ताई चित्तौडगढ़ का भारतीय जनता पार्टी का उम्मीदवार अर पार्टी का प्रदेश अध्यक्ष सी. पी. जोशी कांग्रेस का उम्मीदवार उदयलाल आंजना का 3 लाख 89 हजार 877 वोटों का आगे चाल रह्या हा। पाली का भारतीय जनता पार्टी का उम्मीदवार अर केन्द्रीय मंत्री पी पी चौधरी 2 लाख 44 हजार 814 वोटों का आगे चाल रह्या हा। जोधपुर का भारतीय जनता पार्टी का उम्मीदवार अर

केन्द्रीय मंत्री गजेन्द्र सिंह शेखावत कांग्रेस रा करण सिंह उचियारड़ा ऊं 1 लाख 14 हजार 750 वोटों ऊं आगे चाल रह्या हा। कोटा ऊं भारतीय जनता पार्टी रा उम्मीदवार ओम बिरला भारतीय राष्ट्रीय कांग्रेस रा प्रहलाद गुंजल ऊं 39 हजार 758 वोटों ऊं आगे चाल रह्या हा। जयपुर ग्रामीण सीट ऊं भारतीय जनता पार्टी रा उम्मीदवार राव राजेन्द्र सिंह भारतीय राष्ट्रीय कांग्रेस रा उम्मीदवार अनिल चौपड़ा ऊं 5 हजार 896 वोटों ऊं आगे चाल रह्या हा। झुंझुनूं ऊं भारतीय राष्ट्रीय कांग्रेस रा बिजेन्द्र सिंह ओला भारतीय जनता पार्टी रा शुभकरण चौधरी ऊं 17 हजार 534 वोटों ऊं आगे चाल रह्या हा। बाड़मेर सीट ऊं भारतीय राष्ट्रीय कांग्रेस रा उम्मेदाराम बेनीवाल निर्दलीय उम्मीदवार रविन्द्र भाटी ऊं 1 लाख 20 हजार 706 वोटों ऊं आगे चाल रह्या हा। वठे भारतीय जनता पार्टी रा उम्मीदवार अर केन्द्रीय मंत्री कैलाश चौधरी तीजा नम्बर परां चाल रह्या हा। राष्ट्रीय लोकतांत्रिक पार्टी रा उम्मीदवार हनुमान बेनीवाल नागौर सीट माथे 41 हजार 156 वोटों ऊं आगे चाल रह्या हा। बागीदोरा विधानसभा सीट माथे व्ह्या उप चुनाव री वोटों री गिणती मांय भारत आदिवासी पार्टी रा उम्मीदवार जय कृष्ण पटेल भारतीय जनता पार्टी रा सुभाष तंबोलिया ऊं 51 हजार 434 वोटों ऊं जीत गया।

प्रदेश रा चुनाव नतीजां अर रुझानां रा बारा मांय और ब्यौरो दे रह्या है म्हाणा खबरनवीस।

एस.बी. जितेन्द्र द्विवेदी

लोकसभा री 543 सीटां मांय ऊं एनडीए गठबंधन 293 सीटां माथे आगे चाल रह्यो है, जदके इंडी गठबंधन 232 सीटां माथे बढत बणायोडी है। उत्तर प्रदेश मांय भाजपा अर समाजवादी पार्टी बीचे कांटा रो मुकाबलो चाल रह्यो है। भाजपा वठे 3 सीटां जीती है अर 29 सीटां माथे आगे चाल रही है। समाजवादी पार्टी रा उम्मीदवार 37 सीटां माथे आगे चाल रह्या है। पार्टी एक सीट माथे जीत हांसिल कर लीनी है, जदके कांग्रेस 6 सीटां जीतती निजर आ रही है। मध्यप्रदेश मांय भारतीय जनता पार्टी क्लीन स्विप करती निजर आ

रही है। वठे सगळी 29 सीटां माथे पार्टी रा उम्मीदवार जीतता निजर आ रह्या है। हिमाचल प्रदेश री सगळी चार सीटां ई भाजपा रा खाता मांय जाती निजर आ रही है। कर्नाटक री 28 लोकसभा सीटां मांय ऊं भाजपा 16 अर कांग्रेस 10 सीटां माथे आगे चाल रही है।

000

प्रदेश मांय काल ऊं एक और पश्चिमी विक्षोभ रा असर ऊं कठै-कठै आंधी चालण अर हल्की बिरखा रा आसार है। मौसम विभाग रे मुजब पश्चिमी विक्षोभ रो असर 8 जून तांई रेहवण रा आसार है। ई दौरान कठे-कठे औचक ई 30 ऊं 40 किलोमीटर प्रतिघंटा री रफतार ऊं तेज बायरो बाजण रा असर है। आवता 24 घंटां मांय जोधपुर अर बीकानेर संभाग मांय हल्की बारिश री संभावना है। ई बीचे आज प्रदेश मांय ज़ोरदार तावड़ो पड़्यो। उत्तर पश्चिमी हलकां मांय पारो 46 डिग्री सेल्सियस तांई पूग ग्यो। राजधानी जयपुर मांय काल री भांत ज़ोरदार गर्मी पड़ी। हलका मांय रात मांय ई लू रा हालात रह्या। बूंदी मांय आखा दिन लू पाछे बरसात व्हेवण ऊं मौसम सुहावणो व्हे ग्यो। श्रीगंगानगर मांय तेज़ गर्मी अर सूरज री तपिश ऊं लोग बेहाल रह्या।

000